

117.

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,

*manè discutienda in Scholis Medicorum, die Jovis sextâ
mensis Februarii, anno Domini M. DCC. LXXII.*

M. ANNA-CLAUDIO DORIGNY,
Doctore Medico, Præside.

An præcipuum hominis in morbis internis medicamentum, Vegetabilia?

I.



ISERIS succurrere, languidos reficere, ægris sanitatem restituere, moribundos ex ipsis mortis faucibus eripere, hic Medici finis, hæc propria laus, hæc inenarrabilis lætitia. Sua quemque trahit voluptas: alios honores, alios nummi, alios delicatiores pertendant voluptatum illecebræ; Qui amat Medicinam, amat homines; & quid non magnanimum cogit civem nobilis hæc φιλανθρωπιστᾶ? Is ægros invisere, naturæ signa vel minima patientiâ indefectâ, sedulitate exquisitâ observare, observata congerere, comparare, in propriam συνήθειαν redigere, contraria contrariis repellere, quidquid naturæ ἐναντιομεμενον infringit, accelerat, propriis medicamentis aut solis, aut solerter confociatis alterare, corrigere, tollere, in iis artis longæ studiis & noctes & dies consumere summas putat delicias. Sola angebat mœstitia similium ægritudo, sola delectat merces similium fanatio. Has vero singulorum morborum sanationes perficere, qui & certius, & facilius & modo ad naturæ normam magis accedenti, magis, ut ita dicam, specifico evinces, quàm vegetabilibus?

I I.

CAUSAS morborum tolle, sponte concidet effectus. Porro *Inest in homine amarum & salum & dulce & acidum & acerbum & fluidum & alia quæcumque variâ facultate, copiâ, robore pollentia: his inter se mixtis ac bene temperatis sanitas, si quod eminet, morbus consequitur.* Unde enim nisi ex amarore diffuso anxietates, æstus, viscerum ac pectoris morsus? unde raucescines, angina, erysipelata, peripneumonix, nisi ex falsedine præsertim acri? ex

aciditate vero nonne cachexiæ affectusque prope modum infiniti exoriantur? Temperamenta ex quibus morborum & diagnosim & prognosim & curationis indicationem elicies, si humoribus assignaveris, quid aliud erunt quam exuperans in bilioso amaror, in sanguineo dulcedo, in melancholico aciditas, in pituitoso pro pituitæ genere acritas, falsedo, &c. Relaxari, confringi solida, id quidem effectus, nec plus ultra. Nam astringunt amara, acerbæ, acria, &c. relaxant aquea, oleosa, nitrosa, &c. Quânam astringentis aut relaxantis specie peccant ægroti fibræ, quânam reparandæ? Causa igitur morborum propria cum sit è suprâ recensitis facultatibus repetenda, unde medicamentum certius, quam ex vegetantibus quorum singula aliquâ harum facultatum aut solâ aut mixtâ præpollet, extrahendum.

III.

HANC vero medicamentorum speciem singulis accommodatam quid facilius subministrabit, quid uberius profundet quàm eadem vegetabilium ubique & in apricis pratis & sub recondito sylvarum recessu & supra arduos colles & juxta viridantes fluminum ripas, intra saxa rupeſque, in cultis & asperis, in sabulosis & opimis solis, sub dumetis, in ipsis interdum stratis itineribus per singulas fere anni tempestates vicissim nascentium multitudo? In universâ rerum naturâ tanquam Rex in suo regno Medicus obambulat. Huic vestigalia afferre invicem properant omnes omnis generis plantæ vel vulgatissimæ, minimaque interdum divitias præbet aurî pondere non satis æstimandas. Nec vero eas ex Indiâ, ex Africâ, ex Insulis Canadensibus, ex Sinenſi, Japonensi regione depromere necessarium. Tibi passim pedibus innascuntur innumeri Medicinæ thesauri; sanitatis quasi apothecas omni copiâ redundantes expandit in singulorum regione naturæ conditor. Oblata hujus munera majoris pretii æstima, scrutare, adhibe, nec adeo sperne ut toties ad exotica nostroque minis bene accommodata temperamento immensis interdum sumptibus confugas. Si studii forsàn longioris fastidium superare juvaret, quam citò ex suo à Medicina exilio immerito tot veluti cives tantæ utilitatis revocarentur! Quam citò in nostrum cederent usum Caltha, Mercurialis, Agrimonia, Caryophyllata, Bryonia, pretiosissimi Ninzin æmulum Sison nostras aromaticum, orientalis Senne virtutes superans, si rite preparetur, nostra Gratiola, alia denique innumera, ipsaque vel minima Alchymilla, Muscus capillaceus, dotibus nullâ impar Herniaria!

IV.

SED ea est præterea vegetabilium medicamentorum præcipua laus, ut præterquam quod singulorum temperamentis amice consociantur, nec dispendiose, proprias etiam ac quasi específicas virtutes habeant, quas sola

3.

indigitavit occasio, quas experiri certius est interdum quam explicare :
num satis unquam in Medicinâ celebrabitur ad debellandas febres Kina-kina,
ad oppugnandos alvi fluxus vel inveteratos Ipecacuanha & nuperrime lau-
datum Simarouba, ad scorbutum Citrea, &c. Verè *Natura morborum medicus* :
hanc venari, hanc veluti interrogare ex obviis quibusque medico non indi-
gnum existimabat Hippocrates. Hoc sensu omnes, ipsi etiam sapissime rus-
tici sunt medici; primi observationis com otes primam tenent medicinæ
clavim; nam, secure dicam, tutissima ea est Medicinæ perficiendæ via,
observatio. Hoc altero cum pulsum scientiâ baculo nititur celeberrima Si-
nensium Medicina. Quam multa etiam alia facile deingerentur remedia præ-
stantissima, si ratio prior haberetur observationis quam ratiocinii! Teterri-
ma morborum monstra conculcata forsân omnium pedibus plantâ profigare mi-
rum sane, sed nec impervium. Vidi, vidi ego Argentinâ solâ sedari invete-
ratum mensium profluvium, vidi lapides cysticos indicatâ Mecoachannæ
cum sale ammoniacali, Indorum modo, ter ebullitæ pitianâ, appositâ tumori
Cepâ, per alvum, per urinas præcipitari, cruentumque inde exortum mens-
truâ revulsione vomitum à pluribus annis concomitantem, auxiliante enemate
è vegetabilibus constante, subito fitti & naturæ vias tantâ annorum morâ obtu-
ratas iterum aperiri. Nec minoris virtutis in indigenis vegetabilibus, si naturæ
liber evolveretur, reperirentur medicamentorum vel simplicissimorum for-
mulæ. Plenrefes, Peripneumonias solo Borriginis & Buglossi succo citò cu-
ratas fuisse nemo nescit. Pulmonis hydropem sollicitante Nicotianâ saccharo
aut melle conditâ innoxie ac sine ullis fere conatibus eructari cum admira-
tione videas. Dolores dentium veteres acerrimos Allio cum thuris pau-
xillo mixto cedere testes habeas celeberrimos: quid plura? alia adsunt in-
numera specificæ vegetabilium virtutis exempla, quæ enumerare nihil aliud
esset quam totam Medicinæ historiam conscribere.

V.

NUM igitur, inquit, releganda quæ ex mineralibus, ex animalibus
repetuntur ad morbos profligandos auxilia? minime gentium. Sua est
cuique methodus. Adeo varia & multiplex conditoris in genus humanum emi-
net benevolentia, ut in tantâ medicamentorum quæ adversus morbos singulos
subministrat multitudine, unum interdum aut alterum, modò probe no-
verit Medicus illud apto tempore & modo offerre, morborum vim fere
quacumque possit interdum succutere, nec ullus multiplicem v. g. tartari
stibiati, hydrargiri, prudenter administratorum Medicinam diffitebitur; sed
& inter omnes convenit in eâ veluti *μενεφαρμακία*, tonforibus & lippis fa-
cile communicandâ, multò minus Medici scientiam & artem elucescere. Præ-
terea Mineralia ut pote solida solidis tantum competunt, sit via vi, intus

74

corporis prælia ferro, globulis metallicis committuntur: naturæ jura negliguntur, huic fatalis sæpe infertur violentia; innocua spernuntur remedia, lethalia potius eliguntur, quorum ut vires veneniferæ auferantur, (utinam omnes!) multis insudatur laboribus. Nùm propria hominis & naturæ magis accommodata hæc Medicina? Nec latet plurimos in Auro aliisque hujus affinis metallis reperisse chymicos vim quamdam naturæ, ut aiunt, homogeneam, unde medicinam universalem constituere, sed quantis sumptibus, quantis dispendiis, dum humi jacent ac nostrum quasi servitium affectant nullius fere pretii pretiosissima medicamenta. Animalia verò nùm aptiorem nobis suppetunt medicinam? Eorum carnem avidè sani deglutiunt homines, quàm sæpe suâ ipsorum injuria! ægri jura carniùm, alcalinâ jam indole fermentibus humoribus, num tutius potabunt? nùm suavius eos delectabit varia animalium excreta partem ad medicamenta fere solam inservientem pleno absorbere gutture. Concludant igitur omnes unanimi voce,

Ergò præcipuum hominis in morbis internis medicamentum, Vegetabilia,

DOMINI DOCTORES DISPUTATURI

M. Matthæus - Thomas
LACASSAIGNE, Schol-
arum Professor designa-
tus.

M. Joannes D'ARCEY.

M. Antonius CASAMA-
JOR, Censor Regius.

M. Joannes - Baptista-
Alexander MAIGRET,

M. Franciscus THIERY
DE BUSSY, Schola-
rum Professor, Consi-
liarius Medicus Regis
ordinarius in Supremo
Senatu Parisensi.

M. Raymundus DE LA
RIVIERE.

M. Josephus PHILIP,
Scholarum Professor,

M. Hugo GAUTHIER,
Consiliarius Regis Me-
dicus.

M. Antonius - Nicolaus
GUENAU, S. Du-
cis de Penthièvre, Me-
dicus ordinarius.

Proponebat Parisiis CAROLUS-JACOBUS SAILLANT, Parisinus;
Saluberrimæ Facultatis Medicinæ Parisiensis Baccalaureus, Theses
Auctor, A. R. S. H. 1772. A SEXTA AD MERIDIEM.